

安縣通志

安藏通記

重修安徽通志卷一百五十五

人物志

義行九

池州府

唐陳什萬青陽人父宮賦景雲二年官觀察什萬家居好義天寶六載出穀萬石濟荒詔旌為義民今所居村有義民亭遺址

池州府志

江迪湖青陽人天寶十四載歲饑出粟萬斛賑濟事聞詔旌其門

池州府志

宋羅什萬青陽人家饒而好義寶元二年募民入粟實邊羅以粟十萬斛進救旌其門

池州府志

沈仲傑青陽人寶元間出粟賑饑邑令裴以事申請有旨令親詣其門作太和亭以旌焉

池州府志

雷達文青陽人居陵陽鎮元豐間大水里中漂溺者千餘家達

文出粟五千石以賑事聞敕獎里人立祠陵陽祀之

葉梓字元材貴池人佐其父營以力田致富弟權字元立亦能

助其兄經營一切俱善治家不得妄費衣食自一錢以上必均

三世二百人四十餘宰不別盤案而飯者百年有餘以須親友

之乏賑鄰里之貧一鄉稱善人長者弟椿森同時為鄉貢進

士而椿及進士第一門之內無異好皆如一人

袁洪順青陽人寶慶三年大疫與伯兄進士洪寬仲兄洪廣共

輸粟數千石賑饑有司題請得旌

國朝雍正元年

池州府志

元何清市青陽人大德七年歲饑出粟二千石助賑詔旌其門

何子和青陽人世居仙隱山後遷坊市南門歲饑出粟周賑一

方今其巷曰仙隱巷坊曰仙隱坊

明桂元卿石埭人元季之亂有段指揮者率兵駐邑獲賊則聽

其誑指以為利有兄弟三人被誣非賄不釋元卿帶其所有僅

可鉤二命妻李氏出鉤助之由是三人皆免

胡功孫青陽人少喪父母貧無以餒同里羅勝二為之殯功孫

感其恩遂依於羅氏洪武初勝二為里長辦糧以違限應論法

功孫代之任其延遲之罪以死今羅氏世祀之

徐文忠青陽人嘗獨遊承堅東陽二橋遺趾尚存

李積蕙貴池人正統十一年出穀二千餘石備賑有司上其事

重修安徽通志卷一百五十五

旌為義民

馬如璽貴池人天順間與弟如隆各出粟五百石以賑不受冠

帶同邑李清孫俊杜玉珍成化間皆輸粟五百石以賑賜七品

冠帶

胡浩源貴池人成化二年過銅陵見歲荒運米五百石往賑賜

冠帶辭不受旌其門口尚義子綱通俱有父風嘗拾遺金訪其

人還之同時青陽方志高亦捐穀千石賑銅邑饑

章祿遠青陽人正統間出穀二千石賑饑旌為義民同邑李瑄

山亦是年出穀三百石助賑又有需妻債債者為給資以免之

武朝乾隆二十二年詳請入祠

柯原民青陽人洪熙中祭酒李文毅以直言忤旨廷杖斃原

民旬旬救歸義聲著都下

國朝乾隆元年詳請入祠

池州府志

章伯通青陽人成化中出粟九百斛備賑同邑江鈺出粟五百

石備賑章叔仁捐穀千石備賑俱賜七品冠帶

池州府志

陳有讓青陽人成化宏治間屢施穀賑饑賜七品冠帶

青陽縣志

方俊青陽人成化間捐穀千石助賑同邑程瑗宏治初捐穀千

五百石助賑

青陽縣志

余志貴銅陵人宣德中與弟志英志高同建大成殿志貴又獨

建池郡明倫堂朱子祠祀鄉賢

池州府志

楊時遇石埭人正統間出穀一千五百石助賑同時方守仁出

穀二千五百石助賑

國朝乾隆二十一年

旌表建坊

石埭縣志

重修宋徽通志

卷三十五

人物志

義行

三

池州府志

蘇遜三石埭人成化間散粟千餘石助賑後又捐粟八百石不

受冠帶

池州府志

蘇注石埭人嘉靖間出穀二千五百石助賑旌為義民

池州府志

屈承德建德人正統間出穀二千石備賑同邑黃學通正德間

出穀三千石備賑金鉉嘉靖間出穀二千石備賑檀萃出穀五

百石備賑王道顯出穀八百五十石備賑並旌為義民又姚添

出穀數千石以賑辭不受旌

池州府志

鄭正榮建德人歲歉出穀五千石助賑貴池銅陵建德東流四

邑給冠帶旌其門

建德縣志

方燦青陽人正德間捐穀千石助賑同邑張效及貴池汪泓皆

以出粟輸金助賑賜冠帶旌門

貴池縣志

袁國光青陽人嘗於新安旅次拾遺金俟其人還之又娶妾知

為故家女即召其父還之

江西南

劉裕貴池人建橋以濟行旅施棺以惠枯朽嘗一日經渡口拾

遺金一囊俟其人還之

池州府志

蘇淨石埭人嘗於陵陽寺得遺金守二日還之同邑李用質於

道中獲一遺囊內一檄及楮帛千餘緡坐道傍守二日俟其人

還之

國朝乾隆二十一年

旌表建坊

池州府志

檀昌建德人嘗於黃泥岡拾廣信解戶孫德遺官銀三百兩驗

實還之孫為建還金亭同邑王之鼎諸生金魚皆以還遺金見

稱建德縣志

池州府志

徐廷極建德人道拾遺金俟而還之後又得遺無所還即以散

給句人又嘗拒鄰婦於夜讓美產於兄樂善不倦

建德縣志

王致祐青陽人嘉靖間出粟五百石賑饑又出穀六百石以濟

困急捐田數十畝以供丁費同邑鮑東萬應開出穀五百石助

賑

青陽縣志

謝克遜青陽人正德嘉靖間屢出穀賑饑計七百餘石同邑章

世貞修橋路置義冢費皆以千計又方校嘉靖間捐千金修郡

學吳文元萬應開捐穀數百石以賑

青陽縣志

王棟銅陵人邑中有大工役如建尊經閣修學宮濬玉帶河等

棟皆任之至掩骼施棺賑貧恤疾歲以為常萬應開頻年大水

粟金走千里糴穀運歸以賑人皆德之

銅陵縣志

袁泰銅陵人歲歉捐千金以賑嘗重建明倫堂至修橋砌路恤

貧焚券歲以為常又因赴試聞哭聲詢知鰥妻還債遂傾囊贈

而全之

曹大統貴池人流賊躡池請行團練法募丁壯禦之眾賴以保

賊所掠婦女輒贖還其夫家歲荒助賑施衣置棺及病革檢數

千金券還人而歿

池州府志

即大徵貴池人左兵駐池兵備程世昌欲犒師而難於將命者

大徵請行因說良玉退師既又欲屯東流復以俳語說之曰將

軍不世之業不可付之東流良玉遂率師出境錄功授遊擊不

受

江南通志

章一守貴池人有貸其金者偶過其家其人疑索負漫言曰將

還矣既而見眾共至詰之乃將鬻妻以償諸負來者嫌其并索

負者也一守大驚即解囊代償而返又里有窰人山居盜過其

舍強之炊後盜敗株連爲力辨服之

池州府志

重修安徽通志

卷三十五

人物志

義行

五

池州府

何大廉青陽人夜見一婦抱子投井救而詰之乃知爲夫累稅

繫獄變產數十金完納而遁於路計無復之矣大廉本貧將妻

收匿變換代完

青陽縣志

陳明璵青陽人萬歷間出穀四百石助賑同邑貢生汪世臣崇

禎開捐穀數百石倘賑授建

青陽縣志

董卓祥青陽人崇禎間捐穀千石助賑又捐金數千兩修學創

建宗祠

青陽縣志

王之璚青陽副貢布政使一槓子明季以賢良薦親老不赴設

義田建義塾捐穀助賑鄉鄰德之左兵南下罄家財募壯士嬰

城固守城賴以全又太學生甯三晉與同里陳懋誥率鄉勇守

禦保全一鄉又嘗散穀施粥置棺槨建義家

江南通志

青陽縣志

王正繩青陽人歲連饑每出穀數百石以賑

國朝乾隆六年
旌表建坊

池州府志

陳其恭銅陵人邑東北仁豐三圩向無埠岸江水內灌悉爲巨

浸崇禎十一年其恭同弟其榮捐資買繁昌縣民地爲隄陞創

築隄四百餘丈三年訖功圩無水患至今居民祀田祖必頒胙

於其家

江南通志

章福石埭備人子身無妻子日得備米積之至歲杪轉赴河埠

開擊小鐘呼貧者聽自取盡乃歸歲以爲常垂老不倦後入華

石埭縣志

曹輔恭石埭人年四十無子客遊青陽道拾遺金守之不去少

頃有媵婦攜子哭而至乃變物以償債者也舉以還之明年得

一子

石埭縣志

重修安徽通志

卷三十五

人物志

義行

六

池州府

國朝姜南金貴池諸生順治開歲饑首倡不糶作隨分言以勸族

人眾皆樂輸他族皆效之是歲饑而不害

貴池縣志

章如玉貴池人幼孤事祖母至孝歲饑捐穀數百石以賑又製

絮衣置棺槨以給寒與不能斂者葺橋梁治道路歲以爲常

池州府志

曹大仲貴池人明季流寇僭境出千金爲倡募壯旅守要害同

里以全歲歉糶米西江以濟糶又就道設糜食老疾之不能受

粟者至助婚喪賙賻之歲以爲常其妻吳氏避寇母家置有田

宅寇平而歸盡推於其族戚之貧者

池州府志

沈見大石埭人孝友仗義治津途置義冢焚通券歲款市米數

千斛助賑沈壽民爲之傳

池州府志

蔣際颺石埭人順治初首倡捐穀賑饑邑有石池渡爲徽浙孔

道行者病瘵際臨審其形勢出資倡建一橋名允濟至今頌之

陳大懷石埭人貧無立錫十餘歲時道拾遺金三十兩坐守其

人還之後以服賈稍裕官買一婢品之知其有夫即遣歸不責

值同邑章世中嘗拾遺金兩次並候而還之池州府志

姜大聖青陽人嘗置妾詢知有夫即夜遣還又捐資獨建杜村

石橋青陽志

陳良象青陽人客淮上同寓廬姓者素不相識病革以百金贖

代藏及卒訪其家還之青陽志

姜邁先青陽人嘗遊京邸拾楚客遺金追而還之同邑王應瑞

窮金陵南關拾汪姓遺金追數十里還之又陳仲元陳富仁謝

向文雷兆登王嘉馨西樹滋皆以還遺金聞池州府志

重修安徽通志卷三十五人物志義行七池州府志

徐元亮青陽人家素貧嘗拾崔姓遺金并人參盡舉而還之池州府志

童士元建德人嘗過徽嶺拾遺金五十兩守其人還之簡於宗

族葬高祖以下十餘喪其他捐貲修學解紛息訟善行不可勝

紀池州府志

歐陽輅建德人事母孝曾兩次拾遺金並給還原主同邑徐裕

家極貧得遺金訪其人還之後稍裕遇邑中義舉必竭力襄助

又姚元武亦還遺金池州府志

陳國甲字元反貴池庠貢授州同知父病五載奉侍不懈撫弟

遺孤愛如己出康熙戊子己丑間饑疫頻仍賑粟施藥全活甚

眾居常候喪助婚建橋築隄俱竭力從事乾隆九年

陳尚元青陽人年十四父病日夜號泣奉侍不懈嘗路拾遺金

四十兩守其人還之池州府志

俞錦鉉銅陵人康熙十年三十三年早督煮粥以賑全活甚多

又改建新河口石橋重建文昌閣創紫陽書院累費數千餘金

其他善行不可勝舉池州府志

章之盛銅陵人康熙間重建學宮敬一亭子幾歲貢陳成之燦

又創築新講石橋置大江渡船設崇山亭施茶子孫遵守弗替

部魁銅陵貢生康熙間在都贖取銅陵會館邑公車北上者至

今賴之又置贍族義田獨捐順安鎮梓橋鎮兩處社倉基址其

他捐米助賑買穀濟貧一切不可勝紀銅陵縣志

周士貴銅陵諸生邑之洋湖瀨順安大河向無隄勝湖田數千

重修安徽通志卷三十五人物志義行八池州府志

畝水漲皆沒士貴獨建隄開以備蓄洩邑人利賴又歲災捐穀

助賑施藥殍施棺義事甚眾池州府志

朱良珍銅陵貢生重修邑志獨任其費至如建學門造橋設渡

給粥賑貧諸義舉行之至老不倦銅陵縣志

徐堃東流人授職州同知父品儀以好善著於鄉堃繼其志府

治九華門外興濟橋古雲隄歲久傾塌堃獨任其費至六千餘

金其他修學治橋砌路築隄諸善舉不下十餘處池州府志

周士信東流人嘗置雙河義渡並捐田給舟子為經久計邑中

以形家言議建天然塔而費不給時士信已卒其妻陳承夫志

慨然獨任並創建天然書院置田畝以資香火事聞議敘官其

孫鵬飛渾源州吏目池州府志

砌石路五十餘里費俱千金池州府志

張芳新貴池人康熙戊子歲歉捐穀五百石助賑人稱其義池州府志

府志

張惠美銅陵人嘗捐資置學宮凡筵祭器康熙間水災獨力賑

粥數月邑人賴之銅陵縣志

章雲達銅陵人嘗獨力建五松書院器用備具至請豁浮課代

表節孝焚券極貧尤多義概銅陵縣志

章培義銅陵人候補州判獨建

萬壽宮府學大成門易蓋學宮銅瓦兼置禮樂祭器修名宦鄉賢諸

祠其他設渡建亭修橋砌路義行尤多銅陵縣志

是星斗銅陵人邑長龍山當四方之衝嘗捐數百金創築亭宇

於其上歲時烹茶以濟行旅人共德之銅陵縣志

重修安徽通志卷三百五十五

方立字掄先貴池人孝孀母友兄弟睦族黨咸敬買穀千石半

價以售穀盡復買麥二百石以繼族中貧乏者咸得資助不致

播遷池州府志

方之釣貴池諸生歲饑輸穀數百石倡首全活無算徐春長遇

歲饑能嗣其志亦捐米助賑施棺施衣食以爲常池州府志

陳治策青陽庠生事親孝兄弟友愛好施早歲歎嘗捐穀三百

石以賑饑青陽縣志

賀成佐青陽人性寬厚善排解歲歉助賑千金青陽縣志

徐紳青陽歲貢官儀徵訓導解組後輸田五十餘畝爲修學宮

費輸田七十畝爲義莊以贍族之貧者又邑有公舉如建文昌

閣崇聖祠皆竭力贊成池州府志
劉必融字明春青陽諸生敦行樂善建鎮華源二橋各費千

餘金助田十畝於蓉城書院建文昌閣於郡學戟門左乾隆四
十年子貢生世昌步雲以形家言又移建樞星門左子孫世修

不替池州府志

劉其發青陽諸生每歲歎捐資助賑又置義田以贍族將歿屬

其子廷勳必修源橋延勳承其志遂捐千餘金成之青陽縣志

張有振石埭人祖國林以好義聞有振承其志乾隆六年捐入

百餘金助賑又捐金修學池州府志

羅徵臣建德諸生素好義捐資修路自羅家山達蜈蚣嶺四十

里又自羅家山達石埭沈阮嶺四十里東達東流洋湖阪十五

里西達低腳嶺三十里又自城東門直抵西門皆以石砌其費

六千餘金其他造橋建亭諸善不可勝紀建德縣志

張尙道建德人同弟諸生尙通捐金修路並砌以石又獨建奎

文閣修學造橋買舟濟渡施棺掩骼製衣贈貧人皆義之建德縣志

倪欽嵩建德人嘗貿易泥關街鄰火被災者數十家報於豎造

欽嵩不惜重資徧助復安堵如故建德縣志

俞士杰銅陵人與弟士標皆尙義歲歉煮粥以食路人又捐米

千石助賑又減價平糶費千金有奇池州府志

江通濟青陽人歲歉出穀助賑乾隆間嘗欲建義學於費宮側

未果子自珊率姪等成之費二千餘金又捐銀五百兩爲諸生

膏火大府上其事授自珊主簿職池州府志

劉廷英青陽貢生性好義輸膏火因於蓉城書院歲歉出穀助

賑又輸銀一千二百兩修鎮華源二橋青陽縣志

陳霖石埭廩生事繼母孝世父無嗣遺產盡捐入公營買婢詢

知其父諸生卽爲擇配遇歲歉尤多賑助池州府志

孫豐積石埠人性好義尤厚於宗族同族七百餘口自乾隆十
七年起每歲以穀數百石分給二十餘年行之不倦石埠志
陳梯雲石埠人乾隆辛未歲歉設廠平糶所費不貲又與叔洪

捐穀入公助賑石埠志

唐德至石埠貢生乾隆乙巳捐穀三百石助賑次年又減價平
糶倡建祠廟出八百金襄祀事造橋建亭施棺施衣義舉甚多

石埠志

張應牛石埠諸生乾隆丙午嘉慶壬戌平糶散賑各費數百金
至建文昌閣修廟造橋及捐資家廟共費一千數百金人皆義

之石埠志

沈廷標石埠人乾隆丙午嘉慶乙亥共輸粟一千一百石助賑

其他如建文昌閣修考棚建凌雲塔諸義舉捐費尤多石埠志

重修安徽通志卷三十五

人物志

義行

土

儲同華石埠人性孝母疾不解帶者三月乾隆乙巳歲歉獨產

助賑流沙嶺爲皖省通道山水衝決以千金修其路又修烏石

嶺等處路費數百金義舉甚眾石埠志

王騰翼建德人祖尙助歲以積穀平糶雍正丁未饑往江西買

米運歸平糶四月騰翼善承祖志乾隆乙酉庚子歲歉往江西

買穀運歸平糶乙巳捐三百金助賑議敘由布政司經歷加一

級建德志

徐其光建德人嘗捐千金修高嶺路行者德之石埠志

張冠建德人邑庠生居於荒城其地西北隅受風居民不利

冠莊構亭其間編築石牆周八十七丈高九尺種樹以衛至今

承賴乾隆乙巳饑捐金助賑全活甚眾建德志

江原廣青陽貢生嘗捐出五十餘畝人公備祭祀考費又石砌

江村路二十餘里并永天巷街道乾隆乙巳歲歉捐多金助賑
巡撫以義舉鄉評獎之青陽志

章以聖青陽貢生賞捐資建倉前河巷橋并修曹店湖路費一

千餘金青陽志

孫彰士青陽貢生乾隆乙巳捐粟助賑巡撫獎以義舉鄉評局

額青陽志

陳維青陽諸生嘗焚借券五百餘金乾隆丙午輸穀助賑巡撫

獎以義舉鄉評局額青陽志

吳光贊青陽貢生每歲散捐穀平糶乾隆乙巳捐穀五百石助

賑青陽志

許桂森青陽庠貢歲歉捐銀八百餘兩助賑性喜修造橋路鄉

里稱之青陽志

重修安徽通志卷三十五

人物志

義行

土

楊士亨青陽諸生嘗助田三十餘畝入公給考費其子善承父

志於嘉慶十九年捐銀六百兩助賑青陽志

羅惟源青陽貢生性好義每歲散出粟賑濟倡建橋廟費至千

餘金不吝青陽志

曹士琳銅陵人嘗捐資一千數百金修建圩隄至今賴之銅陵志

蔣國政銅陵人每歲歛必輸穀賑濟嘗出巨資建橋築隄其子

踵而行之捐築流潭圩隄壩建永濟大橋及小石橋四衆長隄

數百里行旅賴之銅陵志

章允升青陽人考授縣丞少孤事母孝乾隆辛未丙子歲歉出

穀各五百餘石以助賑他如建橋濟田義行甚多青陽志

曹一嵩青陽貢生乾隆庚申辛未丙子歲歉共捐穀一千五百

石有奇以助賑又建亭修路施棺助喪人俱頌之子如利候補

州佐亦修路施棉獨力修建東落橋善德志

王世圭青陽貢生乾隆丙子捐穀三百石助賑施棺修路一切

黃行皆力行之

青陽貢生乾隆癸亥春饑散穀千餘石丙子歲饑糴米千

餘石同族南元英例授州判與貢生雷芬亦於亥歲各捐穀

六百石助賑

曹必立青陽人嘗捐八百金建關帝廟又助田以供祭祀修石

堤博古橋義行甚多

謝宗興青陽人性孝友喜修治道路以便行旅乾隆己未癸亥

捐穀一百石助賑又散穀數百石以濟族黨子君榮貢生能承

厥志乙亥丙子連歲散穀助賑人頌世德

陳聖撰青陽貢生與弟聖典友愛好義樂施乾隆壬申丙子並

重修安徽通志卷三百五十五人物志

出穀助賑不置修造各處石橋又倡捐五百金建三溪石橋焚

券恤貧民不勝舉

許國全貴池人候選經歷乾隆辛未歲歉出米七百石平糶丙

子歲饑復捐米千餘石散給他如修橋路助喪葬任恤之事甚

多

呂曰英貴池人乾隆乙巳歲歉捐三百金以濟族黨有某姓者

貧將溺妻英知之周以貨夫婦得全

章應彭貴池人嘗建亭聚眾以恤行人且輸田為經久計偶於

城南見投水者拯之出問其故知為失金計無所出乃如數與

之不告姓名而去同邑曹應忠幼見遺金弗取歲饑為其賒路

以待餓者又吳元美家極貧嘗拾遺金數十兩還其人

邑陳邦彥亦還遺金嘗買妾詢知有夫即遣歸不索值又吳濟

生柯世福章光恩徐久沈啟文庠生徐遵路皆以還遺金聞

錢開壽青陽人家極貧傭工度日嘗拾遺金百兩守而還之其

人分以謝不受

汪世珍青陽人有客同舟分路母子誤發油一桶內藏白金四

百急追還之同邑程九如嘗還遺金有負通鄰妻者出金全之

金元音東流人嘗拾遺金還其人

李洛陽石球人採樵為業嘗於柳亭拾一囊金守而還之不受

酬同邑諸生陳永舉亦以還遺金聞

劉紹寬青陽諸生少失怙孝事孀母母歿哀毀骨立嘗捐穀三

重修安徽通志卷三百五十五人物志

百石助賑臨歿屬子孫輸膏火田於營城書院又輸學田三十

餘畝為考費資士範之

陳廷珍青陽職監父占春以好義聞廷珍承父志族黨中有不

能卒歲者必量予之又出數千金修砌破石白龍二橋其子亦

克承厥志捐銀五百餘兩賑饑

謝君錫青陽人嘗建家廟輸田為祭費又買山作義家乾隆丙

子乙巳歲歉捐穀四百石助賑嘉慶甲戌子學詩承父志亦捐

穀二百石助賑

陳繼祖青陽人與弟秉南皆諸生歲歉捐銀六百兩助賑

楊士文青陽職監性好義嘗捐田五十餘畝入嗣公給考費子

佐俊承父志於嘉慶十九年捐銀六百兩賑饑

馮士奇青陽職監捐田五十餘畝入嗣公給考費嘉慶十九年

捐銀六百兩助賑二十五年又捐穀百餘石以給貧乏

江振聲青陽諸生事父母及繼母以孝聞友愛兄弟嘗出五千

金建雙河口石橋并石砌殷家巷路歲歉捐資賑濟復施絮衣

二千領棺木八百具其他義舉不可殫述

徐廷魁青陽諸生嘗捐金數千兩建安徽通衛萬福橋橋石建

亭並輸田亭中為暑月行人茶費

姜其章貴池人歷任東莞清河二縣典史嘗奉委巡視黃河夜

聞婦人泣聲哀問之知其夫名周健出遊無耗家貧姑病是以

悲耳乃給銀一兩以助醫藥明日偽作健書並白銀十兩寄其

家健母得書病頓愈踰月健歸人始曉傳其事

曹雲昌貴池諸生援例授州同歲歛出金數百以賑鄉鄰戶各

三兩又散穀百餘石

重修安徽通志卷三百五十五人物志義行

桂士鴻貴池人嘗獨建宗祠置祭產計費五千餘金歲饑必捐

金助賑邑建興濟橋輸五百金以成善舉

胡大志貴池諸生承父遺言置田貯穀以給貧之歲以為常嘉

慶十九年旱捐穀三百石助賑子光誥光訓道光三年水亦捐

穀數百石助賑

程良佐貴池人邑建新濟橋捐錢千緡助之又輸三千金於秀

山書院以助膏火

何正儀建德人嘗貿易東流見有倉皇求自盡者救之詢其故

則贖金數百為父贖罪擔夫失之計無復出耳正儀傾囊贈之

不告姓名徒手而歸

余善銅陵人家貧有注呂二商適道郡寄藏白金二千餘兩突

被火災他無所問獨負二商金出室處灰燼商至還所寄封識

如故

倪淑猷建德監生性孝友慷慨好施乾隆五十年奇荒淑猷於

邑捐重資助賑於須江捐米百石

張立楫銅陵人年三十妻亡不再娶授徒牧姓館中牆壞得款

金數百呼牧取之牧願與分立楫不受曰此汝家物也

聞煙銅陵人候選州同父病侍側三年不少懈孝事繼母乾隆

乙巳捐金六百助賑嘉慶甲戌又捐千餘金以賑族黨義之隆

曹爰變銅陵人道光三年水災捐一千三百餘金以賑他如助

喪葬婚娶施藥給棺建橋修路義行不可勝紀

胡淵泉銅陵貢生父國祺獨建府學崇聖殿淵泉於嘉慶壬申

復重新之道光乙酉在順鎮倡眾捐資設崇仁局以施濟并置

重修安徽通志卷三百五十五人物志義行

豐備義倉

陳寬青陽貢生乾隆五十年賑饑平糶又鮑梓好鮑思齊何若

顯何繩吉何繩球甯文濟王國茂羅永泰李任佑均於乾隆時

捐穀助賑

袁煥青陽監生少孤事母孝長尤好義學宮書院考棚尊經奎

星兩閣及文案案鎮城通濟二橋皆次第修舉歲饑傾貲賑濟

尚書王懿修為之傳其後江繼先捐田三十畝建鎮城橋閣

李習書銅陵人族有老廢者贍之終身資胡城關石路五百餘

丈

余時雨銅陵人獨建新橋又設工山及新河渡船冬棉夏茶施

濟不倦

清不倦

何若源青陽人拾遺金不昧乾隆乙巳捐資賑饑後有嗣子高者拾遺金百兩待三年還其入又賀明相曹安心陳世顯陳恒祝陳聖範吳學清庠生倪庸皆有還入遺金事陳聖範又獨修青雲橋縣志

姚世柏建德人家曾拾遺金百兩還其人又朱安穀拾錢券二百緡訪失者還之建德縣志

孫庭珍青陽監生歲歉出錢數百緡助賑將卒囑子焚券數千金又吳鎮陳錫補陳子學貢生施有文甫修歲貢曹文槐倪家琛俱有焚券事甫修又有讓產與弟之美縣志

何正吉姚經邦劉文選俱建德人皆嘗還入借券不責償又張文定徐登庸劉希烈黃世榮均有焚券事建德縣志

徐成德青陽人嘉慶中歲饑兩次捐金賑卹族鄰橋亭廟宇亦重修安徽通志卷五十五人物志義行

多助建又監生王文月賑穀六千石貢生王德院賑穀三百石徐成魁徐裕徐燭吳學昇吳尚讓阮有望增生賀達昱監生賀家仁並於嘉慶中各捐穀賑饑青陽縣志

王志江青陽監生七世同居持家五十餘年內外無閒言嘉慶間

旌建義行坊青陽縣志

從懷遠青陽監生修小路口金山湖石路費千餘金監生倪六

新嘉慶中修南河苗兒兩橋費千金又益生王德善造湧泉石橋并修路費千餘金青陽縣志

徐承肅青陽貢生倡修宗祠建通濟橋重修武廟其費千餘金

道光己酉水災捐穀八十石贈族戚豐初捐金助徵防軍餉同縣候選同知江在銘亦於己酉歲賑粥施絮衣數月倡建節孝

祠獨建橫橋石橋青陽縣志

陳理明青陽人州同街道光甲申歲款助賑子錦英貢生建梅村橋修破敵嶺白龍嶺路創興義館費二千餘金理明街陳楨

慶亦於道光甲申兩次捐賑共五百金又捐百金入公培養多士又陳棟慶陳錦堂陳錦春陳咸實胡光奎施景星江宗禮牛士本牛正緒牛學道胡桃元吳立誠何培謙倪汝賢汪敦彝舉人甯應祖貢生江沛鏞均於道光間各捐錢穀賑饑青陽縣志

江周佐青陽人道光十年同弟周儼捐穀千石入豐備倉道光

咸豐間施鸞興施世道亦各捐穀入豐備倉倪繼佳徐成培捐穀賑濟青陽縣志

陳振玉東流監生道光初修坦埠石橋及湖保坦保石路十餘里十一年水災煮粥賑饑是年監生章盛熙捐三百金助賑十

重修安徽通志卷三十五人物志義行

三年同弟盛緝賑粥三月又章蘭庭亦兩次捐賑施粥重慶縣志

周新洛東流增生道光初發穀百餘石賑饑後復遇荒捐施金粟春貸種助耕秋不取償東流縣志

張思東流監生樂善好施子附貢洪恩監生定中承父志築井益松杉石路各數里道光中歲祲捐賑二次東流縣志

胡萬錦貢生道光中歲祲捐賑二次東流縣志

萬餘金倡修紅石潭橋三年始成東流縣志

洪盛華東流文生道光十一年知縣陳親理賑水荒造門詢利弊盛華條對悉嘉納之又嘗收養孤子二人教讀婚配東流縣志

姚君祥銅陵鉅工歲饑有需妻者稱貸完賑之池州府志

徐承青陽附貢戚某買妾過其家詢知因家貧大病而嫁即出金償其勸歸其夫又甯一介代需妻者償償完娶代投水者納

租全生 南陽縣志

陳嘉謨青陽人獨置池郡試館歲徵捐穀賑饑平糶二次又陳

榮道光咸豐間歲饑捐賑二次施粥一年亂後贍族養鄰並置

山塾骸又費千餘金宗祠殿輪千金助建子攀桂等成其志 陽縣志

張聚石埭庠生咸豐初出三百金給族人為避難之費又貢生

陳道靜賑濟同鄉難民全活甚眾 石埭縣志

沈廣颺字欽齋石埭增生秉性正直事關名節者必力爭之鄉

建水口塔及義學皆身任其事孫衍慶官江西廣颺寄楹聯訓

之云人於方寸有清白官在朝廷任去萬衍慶卒以忠節循良

著論謀力也 石埭縣志

檀騰青貴池監生成豐六年出穀百餘石濟旱南陵人十二口

重修安徽通志 卷三百五十五 人物志 義行 九 池州府

自賊中逃出資遣歸之又監生鄭樹聲桂步昌附貢曹標從九

曹池川並有平糶賑贍諸義舉監生羅漸達產業僅萬金

施予殆盡 貴池縣志

李英集建德監生造路建橋倡首捐助自紅嶺西溪一帶山路

險隘募金不足傾囊成之又修低嶺路紫澗橋龍泉橋諸亭路

祠廟所費約數百金子濟元由團練把總立功府保都司帶建

字營保衛池州捐築清溪壩重建福主祠等備生章院試卷費

迭捐銀米助賑并濟難民府縣試院省城書院興修皆有捐助

又建月山橋亭行人稱便 建德縣志

王治純建德人咸豐間捐六百金倡團練復捐一千四百金發

六百石作防堵暨死難家葬埋之費族建宗祠捐錢五百餘緡

建德縣志

江先慎東流監生成豐十一年水災施粥兩月又獨修楊家橋

雙鳳橋 東流縣志

曹煥字舜五青陽人知府銜知州孝友尚義嘗獨建太平桃阮

口石橋於木族置義地於休甯屯溪置義家其費數千金咸豐

中倡捐軍餉五百金歲饑施粥數月又倡捐米石於彭之漁亭

給放年餘又知府銜曹廷桂字達材修造橋亭路遺饑施粥三

月子英承父志倡捐千金并勸族用五千金以賑流亡獨建明

倫堂收瘞道殍又再承修獨修太平東沖嶺路咸豐中助軍餉

二百金 青陽縣志

張聚全青陽人客休甯和村青陽逃難者按口給米又與張東

玉捐一百餘金資遣而歸又貢生章廷標倡捐三百金在銅陵

大通買米給散難民又章道化陳國經陳實桂陳慶柱陳中仁

重修安徽通志 卷三百五十五 人物志 義行 十 池州府

吳德榮並於咸豐間捐濟難民 青陽縣志

陳陞青陽人極貧濟困歲以為常子掄元伊鼎捐米百石安撫

漁亭流亡又入二百金於祁門難民局嗣後賑族米七百石掩

幣千餘具學宮東無費三百餘金建之又陳攀兩次勸捐賑饑

在漁亭積米四千餘石安集流亡 青陽縣志

江有綉青陽人建惜字爐每日沿村拾字紙焚化久行不懈 青陽縣志

鄭自堂建德文生敬惜字紙雖污穢中必拾焚之同邑馮學倫

造送惜字籠朔望親至各村收檢焚化又監生徐祖初出費輸

官請崇私宰耕牛凡數十年監生徐元文喜放生重金不惜監

生汪承相每冬施棉數百領濟寒文生王變捐貲勸育嬰戒溺

女刻善書偏送 建德縣志

唐樹芳貴池人捐銀千兩錢千緡置書塾又置義租贍族及周濟貧乏縣志

曹子彬貴池監生捐錢米助餉給鄰人邱又生盧章資賑其妻縣志

曹錫田貴池人布理間歲荒賑粥施衣施棺以千金修池州府新橋又監生陳之炳捐數百金賑饑監生曹向離理間曹敬國均各三次賑饑敬國復獨修普濟橋縣志

王熾昌貴池貢生好修橋路每歲除送米炭常以貿易資三分自用七分濟人因名堂曰三七焉縣志

徐大琳青陽人輸金二百田十畝為贍族之費子四川簡州知州鳳翔復捐錢千緡踵行之又徐繩祖偕弟望澤其捐田九十餘畝為士人課試費千總陳尊捐田十八畝以立義倉縣志

重修安徽通志卷百五十五人物志義行
江墮字睡山青陽舉人候補郎中施楷給棉歲以為常砌計家灣石路數里又王永恩助錢八百緡創興育嬰堂縣志

周文棟青陽貢生獨建魁山福見建子諸嶺及百港阪四處涼亭縣志

張景瑞青陽人捐五百金為贍費輸田設立義學又張廷賜輸金三百興立義學修金霞峯下險路費三百餘金縣志

徐熙祖青陽人捐祠費四百金歲歉出粟濟貧乏熙祖之孫文生鴻鑾亦捐三百金助建家祠縣志

曹小春青陽人同曹福星各出千金修貴池石門嶺路縣志

曹學文青陽人同弟學禮學義合建支祠修屯溪華山寺捐田施棺共費數千金縣志

楊嘉樂石埭人按知事銜置祭田數十畝入祖祠歲歉恆出穀

賑族又捐車餉練費錢米約數千金又楊茂國同弟茂完捐穀賑荒監生桂廷敏歲歉賑濟族鄰縣志

楊金印石埭監生道光二十九年水災倡捐平糶咸豐初粵逆之亂復捐米百石又勸捐穀千石賑濟後遇賊殉難縣志

奚鳴鍾石埭人在京師病劇畫後事出六百金為修宗祠城隍橋渡諸費縣志

鄭周建建德人捐租宗祠為祭費助寺貞寅姊租二百石為養節撫繼費年荒倡捐賑卹又姚維翰黃聯芳主振募葉明昭戴

格鄭白職孔昭著均於荒歲出錢穀助賑不糶施粥濟饑縣志

姚志建建德人乞食所得轉以濟人或以修路縣志

劉學祿建德人兩次修復普仙橋先後各費數百金又劉希鈞兩修韓家橋金家阪橋時疫施棺百具縣志

重修安徽通志卷百五十五人物志義行
葉兆鍾建德錫工週債倡投水者贈金活之歲大疫施棺數百具先是李維達李芳遠倡修雞頭樟根二嶺及楚復圯兆鍾重修費二千餘金縣志

張儀運建德人官主簿告歸藏書萬卷修城助賑共輸五千金年八十三親見五代著有聽讀軒詩稿縣志

胡培東流人捐山田莊於和義局每冬施棉衣金粟及收檢尸骸縣志

周柯東流歲貢歲古最富遇水旱出粟賑族獨建祖祠施棺掩骸湖南胡晴雲子各遊賊卒張溪甚貧困柯分屋給糧年餘遣人送歸後賊踞安慶擾東流柯團練保衛并捐餉費二百餘金縣志

俞相字澹川貴池文生秉心正直績學能詩池州城上三台墩

是相同姚翔黃雨田所築

桂超萬詩

朱鼎王心簡俱銅陵人並年三十失耦義不再娶

夏思極文報銅陵縣志

楊德碩字閣如文生石埭人楊一肫之七世孫樂善好施年三

十六喪妻有子四人遂不再娶

楊德碩撰楊一肫行略石埭縣志

吳洪照東流人年三十喪偶有三子義不再娶

東流縣志

唐執中貴池廩生工書能文性至孝父病疽衣不解帶者月餘

醫藥均窮默禱身代疾得愈咸豐癸丑父卒殯於堂適髮逆竄

境執中守棺不去後以傾貲辦團家中落課徒積餉穀二百金

盡以贖同里被脅難民尤為難得

朱訪續冊

重修安徽通志

卷五十五

人物志 義行

五 池州府

重修安徽通志卷二百五十六

人物志

義行十

太平府

明普周當塗貢生家極貧所居不蔽風雨而名重一時一直指邇來訪餽以金恐不受託言雄黃受置牀下午節取以和酒則金也怒其欺投之江嘗見重於某都憲爲釋一黃指揮罪酬以千金拒不受都憲益重其品

太平府志

張昇當塗人有蘇順者任淮安令寄木匣於昇昇甚厚昇遣同祿已財不顧獨負順匣走避垂數十年順歸而還之封識如故

江南通志

劉忠福當塗人正統六年歲饑輸穀二千五十石同邑張公受

重修安徽通志

卷三

太平府志

義行

一

太平府

亦輸穀二千五十石許有常輸穀三千三十石並敕授冠帶旌爲義民

太平府志

奚徽蕪湖人嘗路拾遺金二百兩還之正統六年歲饑賑粟二千石存奇救賜褒美成化二年復入粟二百五十石弟純亦以賑粟同旌

蕪湖志

俞全繁昌人宣德間歲饑郡檄勸賑全慨然任之越二年復歉全經營給本邑牛種事間給冠帶巡撫吳琛贈之以詩手跡今存

繁昌志

葛榮字仲芳蕪湖人歲饑以千金散族里正德時劉瑞肆虐邢珣以事忤瑞被譴親知遠避築一布衣獨俟江許傾囊助之得達成所有楊某者路爲賊劫助以資奔後其子官南都操撫來訪架已前卒祭墓而去

江南通志

章杞當塗人與韓守直爲友韓疾劇以三十金投杞不令妻知屬曰吾妻有孕男也幸以此撫之韓亡後妻果生男杞給衣食得成立後杞病篤呼韓氏子來啟篋金三百付之曰汝父以三十金授我今爲汝經營且十倍矣其子不敢受譬論再四感泣持歸聞者皆高其義

一統志

朱容蕪湖人事親孝兄早亡制己產以資姪凡邑有建置修造事關民社者邑令及眾必詣容商度得當而後已每遇歲歉出粟賑饑竭其資不吝事間給冠帶旌旌爲義民

太平府志

徐環繁昌人與弟環終身不析產歲饑各捐穀五百石助賑同邑湯鋪捐穀四百石助賑又汪元勳出粟爲糜獨賑三月餘又計口授粟以濟疲癯殘疾者事聞授散衛

太平府志

丁和尚者當塗人嘗鬻水於采石麓心寺拾金不貲欲還之恐出入無時與原至左遂削髮寺中其人果泣而至盡以歸之

重修安徽通志

卷三

太平府志

義行

二

太平府

于徽當塗人宿旅邸獲牀下金俟其人還之萬歷間又嘗出粟助賑

太平府志

唐第字汝登當塗人路拾遺金坐待其人還之

當塗縣志

唐永祉當塗人歷官永春丞有政聲卒於官士民感泣子清萬

惡己丑歲大歉民情騷擾清先捐穀千餘石倡賑邑賴以安事

間給冠帶其前後以助賑聞者景泰間張亨亨之子遇賢詔給

冠帶成化間孫遇林給冠帶徐賢給七品散官萬歷間邢靖四

前後捐穀二千石給冠帶葉瑞亦給冠帶吳守仕詔旌爲尚義

又朱桂捐穀八百石夏之裔捐穀七百石彭鈿捐穀三百石皆

好義之足紀者

太平府志

朱萬秋當塗人崇禎間倡捐助餉協眾守城史可法時為兵備制授義官府志

繆懋卿蕪湖人與兄召卿皆好施予凡值歲歉出穀以賑全活甚眾上憲屢加旌異其先以蠲穀備賑聞者周祥周信陶助康譜朱奎東隆意志林陶邵成化初皆勅給冠帶太平府志

郭道亮繁昌人嘗建粥巷以飼行者又不惜多金修葺峻道萬歷間以捐穀助賑題授散官府志

國朝楊一儒字翼真當塗庠生事母孝時奉母命徧周親族之困子錫汝順治間以拔貢知孝豐縣邑多通賦前令坐累者數人

一儒售家產令其子代償皆得脫然去家用是落或稱其義答曰代民完逋以免僚友之累分也敢市名耶江南通志

唐用極當塗人順治十四年以善行

重修安徽通志卷三百六十八人物志義行太平府志

旌表府志梅世開當塗庠生順治十七年以善行

旌表府志高惟昱繁昌人順治十七年以善行

旌表府志孫啓蕃當塗庠生順治間歲饑啓蕃家無餘蓄盡變其產以助賑全活無算府志

曹臺望當塗前明恩貢事親孝尤善事繼母明季寇亂捐千金修城垣棲宿城上數月賊知有備解去以薦受兵部司務黃得功駐蕪湖欲發兵屠姑孰臺望適在軍中當得功前解衣投江曰願先死黃遂止順治間遇歲饑竭力拯救府學異方建亭獨任其成弟臺觀亦能同義嘗為友人嫁七孤女助建育嬰堂全

嚮妻諸善行不可勝紀太平府志

張鳳鳴當塗人士寇沿明季之亂蠶起剽掠鳳鳴散家財糾強壯者捍禦數千里內賊不敢犯嗣總梁化鳳領兵來剿鄉民震恐鳳鳴椎牛犒師泣陳良民遭寇之苦梁義之授以旗保全無算府志

魏允字奕人繁昌人喜施濟有負骨將金者將自經允立捐數百金代償又嚮妻償逋者為捐金全之歲募僧放舟中流收遺骸以葬凡十餘年子康孫成康熙庚戌進士繁昌志

俞茂調蕪湖人嘗拾遺金於道夜坐達旦俟其人還之康熙戊子歲祲為食於路以給饑者府志

丁士璵當塗人康熙十八年早捐穀賑饑給藥起病助金全姻施棺斂骸義無不為同邑唐維震四十七年水賑穀千石施棺

重修安徽通志卷三百五十八人物志義行太平府志

無算府志陶成琮當塗縣吏嘗於橋下拾遺金俟其人還之同邑王士卓張國器皆以還遺金聞府志

唐維翰字鶴仙當塗人候選縣丞嘗於桐城拾遺金還其人謝之不受太平府志

天井街民當塗人失其名嘗拾數百金於路俟其人還之不受當塗縣志

謝縣望府志鮑之瀛繁昌增生賑饑焚券好行其德嘗有遺金者將自沈於河之瀛如其數與之繁昌志

朱國社繁昌人嘗救一失金而自溺者如其數與之金又為醫妻償逋者全其夫婦凡二人繁昌志

沈啓訥當塗人康熙初周家圩常苦旱獨捐數百金修築南陡